

CHINESE-JAPANESE LIBRARY
HARVARD-YENCHING INSTITUTE
AT HARVARD UNIVERSITY

DEC 9 1953

THE UNIVERSITY OF CHICAGO
LIBRARY

DEC 2 1938

偷甲記上卷

一名雁翎甲

目錄

開場

試甲

勤王

類合

巡山

巧探

戰捷

尋親

露布

定計

廟算

俠憤

哈佛大學漢和
圖書館珍藏

命林玉世
早交亦同甲

偷甲記

目錄

飲伏

差叙

偷甲

假信

義慰

追甲

偷甲記上卷

一名雁翎甲

第壹齣

開場



水調歌頭。白雪伊誰賦。還堪下里羞。藥籠滋味。洩渤也同收。借此聊新耳目。儼似幻雲流水。過眼即無求。莫作悲歌怨。尊前正解愁。祥鳳集。瑞麟遊。歸至德。河清海晏。大有萬方秋。鼓腹含哺擊壤。隨處丹丘。收拾。麓豪氣。華枝當酒籌。

沁園春末。義俠徐寧。丰神技勇。卒伍流厮。有雁翎寶

甲。祖宗世守如金似玉。不與人知。正值梁山兵敗。合
寨攢眉束手。獨有湯隆計可施。命時遷。潛藏黑夜。盜
引來追。難辭。瀝酒盈卮。醉後乾坤醒後遲。欲生欲
死。且悲且怨。感恩積恨。兩意孳孳。敵破難安。呼延奔
遁。總是英雄淚落時。蒙天眷。招安詔下。風動萬年枝。

徐武師金鎗絕技

呼延灼鐵馬雄施

宋公明梁山聚義

雁翎甲舊譜新辭

第貳齣

試甲

東鍾

南呂滿江紅。生。盔甲上。大戟長弓。偏不是區區一勇。奈
時逢燕雀春秋。任天提弄。一片襟懷空蹀躞。滿腔豪
氣徒掀湧。喜青青雙鬢未凋潘。休驚恐。

甲。胄鬚眉最可憐。絲絲片片影娟娟。且隨闔閭嬌
兒女。難道天生老計然。自家見做金鎗班教師。徐
寧是也。俠氣千尋。雄心萬丈。祖貫東京人氏。出身
武弁名流。家傳秘術。每多策七用五之權奇。學本
天成。不事播兩掂斤之章句。茲當大宋宣和絕元

之日。正值皇帝別號道君之時。蔡京王黼時。誇周
召班聯。重貫高俵。已見樞衡並駕。不才卑卑末弁。
敢希鴻鵠之高翔。無奈局局寸心。每觸感傷之雜
念。這也不在話下。只此雁翎寶甲一副。原屬先世
所遺。我父遐棄之秋。曾有榻前之囑。命我好建功
名。力勤王事。補完先人未了之素志。早成及時奮
發之雄圖。豈料父母見背十年。此甲依然塵積。今
日乃是亡親生忌。已曾薄設奠儀。在於家廟之中。
虔誠祭祀。我就服此寶甲。哭拜一卷。別見我遺
命不忘。數竒少遇。二則聊作潛修砥礪。運甓待時。
道猶未了。你看荆妻雲氏。侍女綉烟。捧着祭禮來
也。

上林春。旦。全丑。持祭禮上。介。誰羨吹簫雙跨鳳。蒸嘗
事我心將恐。生。歎介。旦。聽介。兒夫素志難酬。鎮日短
吁長痛。

見介。旦。驚介。相公今日爲何這般粧束。生。粧與娘

子看。丑諱介有趣有趣。是箇將軍。是箇總管。是箇金剛。是箇菩薩。旦相公。古人云。藏器待時。你如今又不臨陣廝殺。好端端服此甲冑何用。生娘子。你看這件東西。可是開得的麼。旦笑介。你敢是瘋了。祭禮已完。卸下征衣。一同祭奠去。生正爲祭奠。方服此甲。以見我不忘遺命之意。旦如此說。相公請。生娘子請。各行介。

九疑山香羅帶生寒城獵獵風。邊聲正濃。我這雁翎

寶甲。閨閣中。芙蓉嬌面。鬪雙蛾也。犯湖濱旦你雄心

多自迥。莫愁煩悲慟。待時來。輻輳自亨通。那時呵。爲

樑作棟。懶畫眉生氣寒。牛斗遠浮空。看他金殿當頭

紫閣重。我持矛執戟萬人叢。醉扶歸旦你莫將窮辱

窺疎寵。少不得一劍橫。霄氣吐虹。終有日。萬里功名

鑄鼎鐘。丑已到家廟中了。生就此擺下祭禮。丑擺生

哭介生我那爹娘呵。梧桐葉。孩兒運不通。侶醉漢

尋春寢。日日長安。徒切雄心猛。些兒擾亂肝腸痛。瑣

怨寒日。女兒家愚痴。情。兵中。過激恐無功。望慈
親默佑興隆。大。逐鼓生。誰收。纓裏桐。枉有六韜三畧。
維虎維熊。我那爹娘呵。你看這甲光爛。燦精華湧。解
二。離日。催花雨。擘柳風。泥途暫把青絲鞵。好待取
萬里雲程任折衝。那時節。旌旄擁。劉涇帽。生男兒志
氣須磨礱。辱與榮。原不用心兒動。

綉烟化了錢紙罷。丑作化紙生哭奠介。

尾。生。遺言歷歷誠堪痛。豈是牢騷不耐窮。合。正所謂

人必鵬飛水必東。

集唐

不將清瑟理霓裳。
霧重嵐深路渺茫。
身事未知何日了。
謝家春草滿池塘。

第叁齣

勤王

江陽

調商。風馬兒老日。清白傳家奕葉香。勤王事去疆場小。
生小旦。奈邊關千里輕飄颺。合。思量凄楚切切繞
柔腸。

二小見介。老澤國江山入戰圖。生民何計樂樵蘇。

二小憑君莫話封侯事。一將功成萬骨枯。老奴家
李氏乃汝寧統制呼延灼之妻。孩兒呼延理媳婦
胡貞娘一家四人同在任所。我家相公原是東京
望族。又係名將子孫。雖則暫居統制微官。將來自
可封侯萬里。近因梁山泊上宋江作叛。降奉聖旨。
特簡相公督兵收捕。既磨朝命。例在卽行。如今已
往各上司處辭別去了。回來就要起馬長征矣。我
的兒。但願他早立奇勳。刻期復命。這就好了。二小

兵是行間辛苦。爲之奈何。老兒呵。此乃國家大事。
如何說得辛苦。你那爹爹呵。

黃鶯兒新詔拜龍驤。展旌旂。拂劍霜。他赤心爲國平
生養。運奇謀計長。擁貔貅將強。看功成一戰雄威壯。
合報君王。長蛇封豕。形影早潛藏。

前腔二小狐鼠肆披猖。動王師。靖夜郎。廟堂勝筭消
榛莽。滌妖氛氣昂。勒燕然頌香。折衝樽俎成安攘。前
風馬兒外衆隨上一片龍章落未央。看劍氣起祥光。

我戴星馳滅此方朝饜。漫勞兒女嘖嘖語。傍惶。

衆下介外進介一雜管家隨外夫人下官辭過上

司別却寒寒。如今就要起行了。老相公。你王事存

心。刻難少待。奴家馬敢留戀。以忤軍機。只是兒媳

殷殷難爲情況。或者便是明日出門。也不筭爲遲

慢。外夫人說那裏話。草寇猖狂。震驚宵旰。凡爲臣

子。一刻難安。何敢再遲。且暮也。卽此拜別。再休他

阻。小生跪介。爹爹督兵遠出。兒子怎敢安居。雖然

技勇欠精。也願從軍出戰。一則好看爹爹的號令。

規條。二則以免在家日夕懸念。外我兒言之固是。

只是你母親妻子在家。無人照管。難以遠去。你只

依我之言。在家伏侍母親的。是小生小旦各淚介。

琥珀菰兒墜。老你蕭蕭班馬。獨自往疆場。爲國忘家。

意氣長。夫妻子媳淚千行。合思量。鐵騎金戈。刁聲劍

光。

雜上將軍初下令。戰士已成行。報去中軍進。管介。

外介怎麼說。雜教場事事俱齊。專候元戎起馬。外

知道了。你去罷。雜介下。外夫人教場人馬已齊。下

官就此去也。各拜介。眾軍卒上介。

前腔。合男兒立志。治國與安邦。何用凄其淚海洋。歸

來書錦笑歌長。前介

老旦近看鞍馬邊城去。遙下燈花炤眼來。全二小

下外就此起馬。眾應介。

尾。合鏡吹鼓角多喧嚷。管取成功報捷忙。少不得壯

士人人賜錦裳。

集唐
別路繞山川
單車欲問邊
王師非樂戰
愁看五陵烟

第肆齣
類合
支思

越博頭錢。丑譚介上。我是五瘟使。我是勾陳使。為做

賊。天生賊本事。王境內。偷骸髒。祝家店。偷鷄飼。梁山

泊上運來時。探軍情。開酒肆。

譚介。天上原來有賊星。賊皮賊骨賊精靈。却從父

偷時言 卷一
母偷來得不覺規模肖賊形常縮頸。慣斜聽。脚輕
手快眼如鈴。我飛簷走壁穿雲漢。還要直上三十
三天去捉太清。內太清是甚麼東西。丑這教做做
賊的說天話哩。介自家時遷是也。生來伶俐。偷鷄
吊狗。出家傳技藝精強。破壁扒牆稱第一。原是山
東積賊。却從四海偷回。也曾盜過王墳中的金碗。
也曾盜過宮掖內的狐奴。也曾。在熱鬧場中逞志。
也曾。在幽僻處。開行。只爲那些假惺惺。慣喜偷

名偷姓。我却放膽實落落。竟自公取公拿。竝起我
初做賊到如今。挨資守俸。真正也。歷過了念四考
美玉無瑕。卽目畧叨陞轉。梁山泊上張誇。奉着大
哥將令。與我哥哥朱貴全家。就此前山脚下。假開
酒店生涯。專探客商重載。兼接好漢停車。我與朱
貴兩箇人。面前喬粧做店官。酒保背地裏。依然是
哥弟無差。可怪那些世上人。他只笑我是人間盜
賊。我却偏笑他是井底的蝦蟆。幾曾見。降下柳盜

踉來做了柳下惠的兄弟。誰不曉得呂不韋却是
始皇帝的爹爹。只要我這盜通天地。那怕你這草
裏官家。備有日宋大哥也做了盜君皇帝。少不得
謝酒保定是偷盜學名家。盜言未了。朱貴盜兄。又
早上也。副淨介。上不務家人業。誰舒白眼看。何須
尋面目。肝腦不曾寒。自家朱貴。與時兄弟在此開
店。真好快活也。

中

粉孩兒副終日裏意孜孜。其輪旨。盡玉食錦衣勁。

弓良矢。時兄弟。丑介副。今無過客。閒暇時。且和伊漫
倒金卮。丑故。雖是商旅無踪也。還須慎圖終始。

內介丑。你看前面有人來了。我們店官酒保雖是
假的。不可失了體統。有犯大哥將令。副言之有理。

譚介副。酒保。丑應。譚介副。好生整治酒餚。不可怠
慢。丑隨意。譚介副。介下。

福馬郎淨。我一路行來。已到梁山界址。痛此身落魄
真堪處。自家名喚湯隆。家傳鐵匠生理。父親曾做延

安知寨不幸早亡。我因肆酒逞兇。打死本州豪霸。那些官司追捕。無處潛藏。聞得梁山泊上宋公明。爲人義氣如雲。肝腸似雪。凡有逃奔他的。無不招納。我今來此。正要相從。聞得人說有箇朱貴時遷。假開酒店爲名。專接四方好漢。看介呸。你看酒旆飄飄。敢就是了。只見旗兒指我。這里殷勤問杜康。禍。且莫亂尋思。日落山痕紫。

丑介客官買酒吃麼。淨是。丑這等裏面坐。要多少。

酒。什麼下飯。淨有酒有菜。儘着拿來。丑介

紅芍藥。淨我情默默。此意難咨。細參詳。欲問還嘗酒。

保丑介淨我要問一去處。丑要問什麼所在。淨何

處是梁山排旗幟。望周旋指迷驂駟。丑客官。你這

言辭。且低聲莫亂施。他們是逆天驕恣。客官。你吃此

酒。會了鈔去罷。你俏低聲漫飲三杯。怕隔牆人且

來至。

淨聞得此間有箇朱貴時遷。開設酒店。你曉得麼。

副。上拿譚介。你這人來得奇怪。敢是梁山泊的黨羽。我這裏正要密拿這夥人送官請賞哩。伙家與我綁了。
淨。我並不是梁山黨羽。你仔細拿得我。副。不是梁山黨羽。如何曉得什麼朱貴時遷。快快綁了。
丑。譚淨怒介。

耍孩兒。淨笑。村兒無禮。眈虎視。打介。空逞螳螂臂。敢猖狂分割雄雌。
丑。跌譚叫介。不要動手。不要動手。淨。我只把拳支。
副。好漢不必動手。淨。看你舞盤旋。欲

住真難止。
丑。副好漢不必動手。慢慢說話。爭閑氣。彼此還相侶。且說向名和字。

淨。我就是梁山好漢。你待怎麼。
正好貨。梁山上右。你淨拿住丑。丑。譚叫介。不好了。朱貴哥哥快來救我。
副。介好漢。且說姓名。不必發怒了。

會河陽。淨。我名喚湯隆。年方壯時。聞知宋公明呵。他肝腸似雪。動人思。我因此來之。更且念茲在茲。要借鷓鴣一枝。你緣何無遷次。
副。丑。果是如斯。是我輩平

常視望你仁慈收拾了英雄皆。

副適纔多有得罪。且請坐了。細細講罷。淨有甚細

講。你只要指引我梁山路徑。願見了朱貴時遷。這

就罷了。副實不相瞞。小可就是朱貴。丑譚介區區

正叫時遷。淨原來就是二位。這等到是小弟粗魯

了。揖介丑不要作揖。適纔少見賜兩拳就勾了。各

笑介

縷縷金副丑休相笑。莫怪媼君是窮途客。痛墨絲我

們呵接待原無禮。你把雄威頓施。幸今日方纔識

項斯。又何必他人說詳次。他人說詳次。

越恁好淨粗豚窮兇。粗豚窮兇。疎庸未達辭。蒙君垂

視傾益時。更求伊多方委婉容安止。一飯足恩私。壯

士論交情重死。

副且請仁兄到水閣上賠禮。待我放起號箭上山。

宋大哥自然差人來接哩。淨多謝多謝。各介

紅綉鞋合梁山義俠如斯。如斯一言九鼎難辭。難辭。

既來者。永安之。同苦樂。併妍媸。仰天長嘯無疵。無疵。
尾。天涯知己原如此。四海英雄盡一時。又何愁天子
勞師。

集唐

淨海天愁思正茫。茫。副爲報秋來雁幾行。

丑。白憐不識平津問。合楚漢寧教作戰場。

第伍齣

巡山

齊徵

雜上。不學終軍事。請纓鴻毛生死此身輕。從來遺
臭多人惡。若箇流芳浪得名。自家梁山泊上。掌管

各路兵馬中軍官是也。我這梁山泊主。義士宋江。
他雖是箇鄆城小吏。生來義膽包天。忠誠貫日。只
因犯法潛逃。棲此梁山水泊。如今四方依附極多。
聲勢十分雄壯。官軍屢爲挫敗。列郡盡被傷殘。近
因鄰封州府。各各飛奏朝廷。不日恐有禁旅前來。
合兵進剿。所以昨傳號令。今日親自巡山。你看金
鼓齊鳴。大王陞帳也。介。

調雙。賀聖朝。末衆隨上。不能廕子封妻。豈愛乘堅策肥。

暫時亡命暗悲啼。此志有誰知。

各見介萬疊傷情處。無言敢問天。寸心依水泊。衾影若爲憐。我宋江是也。自從江州刦了法場。住此梁山。十分興旺。只是頻年刦掠。震怒朝廷。指日天威。將舒雷電。同日解甲歸降。吾心素願。然而投戈就縛。衆志安從。雖紫湯網之思。難免先網之慮。只得勉傳號令。今日親自巡山中軍。雜應介末分付馬步各營。水陸諸寨。俱在本隊住扎。不得擅離汛

地。止請軍師吳學究上堂。一同閱視。雜介大王右令馬步各營。水陸諸寨。俱在本隊住扎。不得擅離汛地。止請軍師上堂。一同閱視。內應介

前腔。雜扮吳用上。一注暫爾依棲。誰識藏機用機。綸巾羽扇慢徘徊。山前合幾圍。

雜哥哥在上。吳用參見。末軍師少禮。今日大閱諸山。特請軍師同往。雜謹依台旨。

仙呂朝元令。合旌旄鼓聲。劔戟遙天倚。刀鎗整齊盡

角悠揚起。巡視山谿。把甲兵磨洗。只恐官軍四啓。擾動鯨鯢。休生傷杜。須按奇韜。畧要隨機。安閒勢莫移。

合常蛇首尾。更須要正奇兼濟。正奇兼濟。

中這是馬步二軍營寨。內馬軍頭領林冲秦明等。

步軍頭領李逵樊瑞等稟。末不勞了。各守營寨。

罷中傳介。內應介。

前腔換頭合只見騰騰殺氣。華迎劔佩齊。金壁繞雲霓。長空萬里。秋霜帶雪飛。更且標幢旒旆。似虎如龍。

河源拔地星斗移。勢壓泰山低。燿飛北海。迷。

前合

中這是水營寨柵。內水軍頭領阮小二李俊等稟。

參末不勞了。好生堅守寨柵。時時操演水軍。內應。

前腔換頭合你看樓船雄麗。牙檣燦錦奇。奔波開閉。

動止乘機。乍揚帆忽轉維。疾速儼驚飛。舒徐慢委蛇。

這里是中原地。誰教荷鐵衣。我肝腦向誰提。悲傷只。

自知。前合

中這見山前關隘。那是金沙灘。那是各門水道。前。

邊一帶蘆荻裏都有巡哨小舟往來不絕。內各處
把關頭目稟參。末不勞了。各管職事不得有悞。內

應介

前腔合各要潛心經理。分毫不可移。山岳令無欺。違
拗情難已。看官軍屢挫披。何人不賜眉。又見羽書連
日飛。廟筭豈能遺。天威不可期。內作飛箭嚮介

內前山朱貴飛報呈上。末中軍取來。中介末介學
究。你看朱貴來稟。說道有一湯隆欲投山寨。見在

店中。非奉將令。不敢擅送上山。雜原來爲此。何不

傳令着他上山相見。末中軍傳令。着他上山相見。

中傳介末學究。我們今日已閱前山了。明日再閱

後山罷。雜是。末分付回營。眾應介
前合

集唐
萬里辭家事鼓鼙
宜陽城下草凄凄

青海只今將飲馬
隨風直到夜郎西

第陸齣

巧探

魚模

雜頭裹黃巾背焚信香腿纏甲馬上異術驚天地。

王師動鬼神。羽書如箭急。何地敢逡巡。我戴宗是也。真師授法。日行千里長途。俠骨天成。共叙梁山。大義。近聞朝廷發兵。征勦俺的山寨。宋大哥好生焦悶。差我前來探聽消息。被我直達帝京。盡知的耗。如今作急還山。回覆哥哥。好教他預定應敵之計者。俺今頭裹黃巾。背焚信香。腿纏甲馬。儼似一箇泰安州進香的香客一般。那些道路之人。絕無疑忌。你看此處一片坦途。更且飽飧停當。不免洒開脚步。疾走一回也呵。

仙北點絳唇。只俺這點綴休儒。描摹馮婦。如奔鼠。遮掩支吾。窄窄衣衫楚。

俺却打聽得朝廷發下旨意。帥府上了條陳。特差一員汝寧統制呼延灼。前來征勦。聞得那將軍呵。混江龍。他生得來雙眸如炬。更氣成虹形似虎。貌如。猛人都道當今的頗牧。又說是現世的穰苴。只見那滿朝廷俱欽仰交聲羨。更見那流星騎如飛遞羽翎。

書他那里報君恩。急忙忙。併日赴疆場。俺這里秉將令。疾速速。傾刻騰雲霧。又怎肯。逍遙河上也。待這花酒中途。

俺又聞此人。能使雙鞭一對。出入陣前。有萬夫不當之勇。俺那水泊諸人。也不可小觑着他也。

油葫蘆只聽得一片傳聲。山海語。這聲威非過許。他只這雙鞭纔舉。不須史。又早見陣前錦甲可也。摧如絮。因此上。竟將他登壇分關。只要俺這群雄懼他。

只管凱歌聲塞上。回那裏管萬骨枯。人民苦。他那里繞龍城。鐵騎多矜倨。俺這里須準備兵與將。運謀謨。

俺又聽得人言。他善擺着一箇什麼連環甲馬陣。想這陣法也非等閒也。

天下樂。他有箇甲馬連環美陣圖。未知他真也麼無。俺只待細躊躕。他雖是八門高無地。不孫吳。俺那學究軍師呵。他可也計安開智畧舒。就是哥哥哥宋。

公明他也會運權謀執鼓桴。只這衆兄弟們呵。可
都是八臂魔也。那雙翅虎。

俺想那呼延灼原是一箇統制官兒。日常操演人
馬。諒亦不曾弛怠也。

那此令想着他旌旗耀日。都想着他轅門畫角呼。想
着他機成應敵初。想着他馳驅好自如。他儘有家藏
秘笈書。他儘有青萍秘匣鋸。他儘有六鈞弓丈八矛。
他儘有七縱能三兼負也。須知宋公明能文也。那能

武

我想哥哥山寨之中。連日也不安閒也。

鵲踏枝。蓼兒注。是必將荆棘鋤。死子城。早又且列錕
鋸。少不得正正奇奇也。演得箇兔脫蛇紆。雖只是一
蒼兒。山旣僻壤。亂紛紛。端的是擾動了東海邊隅。

此番征戰。雖則勝敗未分。可惜我那宋大哥呵。

寄生草。他則要安臣節。決不肯定遠圖。只恐怕聰明
反被聰明悞。更可帶弟兄樽俎。文和武。須省得乘時

莫把人情忤。若待去洗兵魚海作通囚。又何妨憑凌
一怒可也。安黎庶。

這番戰後。必要哥哥早成大計哩。

公篇非是俺無窮望。也只是就勢圖。從來竊國爲君
父。再休得悠悠不斷成就誤。再休得揚揚得意安門
戶。總不如把乾坤重整令諸侯。那時節修仁修義到
不犯着春秋怒。

說話之間。已近梁山不遠了。俺須疾速前行者。

煞尾俺這里心雄膽氣。他那里電擊雷霆。怒論着
這一水注。不過是分壤寸土。又何勞這般樣勁旅的
這刪芟。俺一班兒衆弟兄呵。都只爲震王侯神鬼驚。
反做了撼天山虛名怖。嚶天呵。俺山泊中人好苦
也。直弄得有津梁人難渡。有恩波情難恕。罷罷。必
定要逼成了楚漢機。方打得箇成敗譜。

集唐

臘盡促歸心

波澄雁影深

將軍正閑暇

紅旆映青林

第柒陶

戰捷

家麻

調雙賀聖朝外。盔甲雙鞭。一中軍隨上。一班聚犬屯鴉。

喧聲四野驚誇。動王師也。用鼓鞞。搥把牛。亦控蝦蟆。

一滴注兒水。無多聚米山。荆榛聊障。何用斧斤

刪。下官呼延灼奉命收捕梁山草寇。一路振旅前

來。今日計在必戮。渠魁盡除。賊黨肅清。山海歸報

朝廷。中軍傳令。中應介外。分付沿途多伏偵探。三

軍奮勇直前。先出馬步二軍。後動連環甲馬。務在

一鼓成擒。不留纖芥。踏平山泊。剪除伏莽。茅茨吸

盡蓼洼。不使一夫新卧。若有臨期瞻顧。首鼠懷疑。

奉令不馴。持循惑眾者。賞功紀過。二司一一登記

明白。俺這裏俱以軍法從事也。中得令外。你在陣

前督戰。分付旗鼓司起鼓。中介下內起鼓。介外持

雙鞭探望介。

風入松。你看這咚咚戰鼓陣前搥。隊伍分明瀟灑。我

這萬人師長信非誇。全不慮兵微將寡。早看取軍

聲肆譁多縛醜亂如麻。

中上稟元帥探馬報來馬步軍兵出戰彼此互有

勝負外再去督催務獲全勝

中介下

前腔外軍機成敗肯閑誇。竟不用暗鳴叱咤。只要精明戰陣把機權化。多謀策豈同嬉耍。明賞罰須期瓜及瓜。仁勇信莫教差。

中介稟元帥俺這里兵力雖精他那里頭日甚衆更兼途途叢雜水渟沙流一時不能全勝外既如

此中軍堅守營寨待我親自前去斬將奪旗者內

喊外介下中你看主帥親自出戰真好一場廝殺也

急三鎗大元戎親出戰。非輕耍。雙鞭舉如奔電。侶濟

霞作遠看介你看陣前打下一員賊將來了。內喊介

只聽得軍聲振能飛瓦。指日裏群寇淨擁高牙。

雜執旗幟全外上介中迎介

風入松外水注蕞爾彙饑鴉也。儘有權謀機詐幾回

支架無高下。貪功績空惹波查。且歸來暫時休暇。尋別計好擒拿。

中軍督同眾將。撒開連環甲馬者。中雜各介下內。

作馬嘶於振聲介。外作遠看喜介。

忘三鎗你看這連環馬。多奔突難遮架。如拉朽似摧花。內喊介更見那烟塵障走石沙。他們都衝且擊不爭差。

中介上稟元帥。連環甲馬衝殺前去。賊眾大敗。生

擒頭領數人。殺死僕儼無筭。那些敗兵殘將。一箇

箇拖頭鼠竄遁入山寨去了。外分付鳴金。收回甲

馬。只把梁山圍住。待他糧盡軍弛。不戰自亂矣。中

介雜隨外行介。

風入松。合。螻蟻小寇名空大。好一似敗籜殘葩。週圍

鐵桶無閑罅。拏住了萬刀千副。笑他們釜底魚蝦。還

自潰痛嗟呀。

集唐 秣馬臨荒甸 南庭戍不歸

朔風搖漢鼓

千樹葉皆飛

第捌齣

尋親

皆來

仙秋蕊香小生嚴父稽身天外。何曾一刻眉開。小旦

殷殷淚點沾襟袂。鎮日裏盈盈似海。

小旦郎君萬福。小生娘子拜揖。娘子我爹爹遠從

王事前往邊庭。劍雨鎗林。痛深兒女。如何是好。小

旦郎君愁悶。妾亦相同。欲問安危。早宜迅發。小生

單人正欲前往邊關。看取家君進止。爭奈老母在

堂。未免情牽兩地。小旦婆婆定省。奴自支持。且

急行。不勞猶豫。小生多蒙娘子如此美意。單人決

志就行了。

仙入雙忒忒令。娘子我這胸中呵。亂如絲。真難解。開更

熱如燒。夢魂驚怪。聽不見刁聲斗息。好教人凝睇。我

欲待叩慈親。問行藏。遊邊界。滿胸臆。佈擺。

前腔。小旦郎君你恁悠悠稽延。自挨不思。急匆匆。早

離官廨。如此依依留戀。却教人譏會。須省得孝於親。

驚於若原同派你去對影象兒細揣

沉醉東風小生娘子你這言辭說得苦哀我從此去

直窮邊塞揖介止有這堂上母望賢妻為子承戴是

和非莫存纖芥合愁城慢狂愁腸慢猜淚珠點點早

向腮兒上下來

前腔小旦郎君你路兒中把愁懷少開切莫要十分

勞憊你須是為嚴親遠勞邊塞少貪功自居成敗前合

內嗽介小生娘子你且拭了眼淚想是母親來了

各介

海棠春老旦全丑上何時邊塞傳歌凱笑聲揚萬千

愉快燈火自黃昏夢寐何曾改

丑夫人到二小見介老媳婦你花容淚洗應知暗

裏卜邊聲孩兒你意緒慌迷敢是靜中頻夢想二

小淚介老我兒呵你們快快不要如此你爹爹十

年礪刃正圖今日功名况且他一片雄心自謂匡

時柱石他的勇敢謀猷營陣精銳你自知道的諒

來必不致於前途有失。你們且自安心靜守。以俟
捷音便了。小生跪介母親之言。孩兒焉敢違悖。只
是孩兒思親念切。片刻難安。意欲暫擬慈幃。前往
邊庭。一探爹爹信息。還還匝月之期。並不中途。這
邊。伏望母親依允。老汝年尚幼。未歷風霜。軍旅畏
途。豈堪涉險。小生孩兒必要一行。還望母親慈憫。
老淚介我兒。你母親呵。孤燈形影。已知悔教夫壻
覓封侯。若再放你遠遊。一發萬斛愁懷。難自解哩。

這箇斷斷難許。小旦跪介婆婆在上。丈夫暫時離
別。聊申子道於斯須。媳婦未諳蘋蘩。畧代寒暄於
旦暮。不是無方浪跡。實關迫切至情。倘公公一時
奏凱還朝。旋師入覲。就命孩兒傳達信息於慈幃。
豈不十分親切。老旦大哭介看你夫妻純孝。越動
我的寸心。孩兒既然要去。必須多帶幾箇從人。以
便途中使喚。檢箇好日。慢慢行罷。小生父在枕戈
露處之疆場。兒敢盛從豪奢之逸豫。外人耳目難

堪自己影衾安對。况且邊關不遠。時刻難移。行李無多。豈艱佩戴。孩兒就此拜別。老說那裏話。就是一箇包裹。也要打疊打疊。小旦媳婦早已料理停當了。作持行李。介老我那兒呵。看你夫婦如此孝心。使我愈加痛切也。

惜奴嬌看你夫婦啾啾。奈一時分手遠拋天外兒年。幼小難禁雨露風霾。堪哀。只爲這蠅頭蝸角關成敗。他去救鹵江。你却遊東海。合就歸來早願得門閑。

九棘。臥理三台。

前腔小生拜介。孩兒此去呵。望母親寬懷。老哭介。小

生再休得珠淚盈腮。使孩兒途路少釋悲哀。拜小

旦介。娘子你留心溫清。莫教片刻離開。休垂用調

和顏色娛親志。勉意見把肩稍解。前合

錦衣香小旦。郎君去。奴非介親盛年。人非邁。只爲刁

斗無聞。暫分襟袂。專征千里靜雲霾。丹書鐵券。頃刻回來。奴自承親志。莫叮嚀。將呆打孩。夫去奴何賴。歸

程須快風雨。凄其高堂。飈飈。

漿水令老。在家庭兒。還是孩。去間關程途。怎捱。痛夫

痛子我情乖。覓甚封侯。歷甚邊塞。小生驅羆虎。碎草

萊。男兒事業長風快。小旦休誇許。休誇許。寇滅早來

承親志。承親志。井日荆釵。

尾小生前途直達梁山界。小旦你副行藏。用心著蔡。

老早望箇鴻鯉先來。

集唐老。劔閣重關蜀北門。小生平沙歷亂捲蓬根。

小羅敷獨向東方去。合莫學袁生老竹軒。

第玖齣

露布

真文

中馱環着雜扮軍校儀從。抬露布上。合奮雷霆一震。

奮雷霆一震。淨掃妖氛。露布飛揚。電馳風迅。看萬姓

歡聲載道。魍魎消魂。雖則是暫。逋誅。埜狐宵遁。少不

得就冷鋒刃。肯尸居玉符金印。清群盜。報大君。早事

勤旂常。壘書連晉。下介

千秋歲。眾雜扮百姓上。介。右鼓樂喧。更且歡聲振。因

甚事如此華表列位哥。前面迎的是甚麼故事。雜這是露布。衆仔麼叫做露布。雜出兵得勝。有此露布。衆不知誰人得勝哩。雜那露布上寫着。是箇汝寧統制呼延灼。用了一箇什麼連環馬。殺退梁山賊寇。如今報捷朝廷。所以這般熱鬧。衆原來爲此。合露布傳來。露布傳來。只見那部伍森嚴。雄峻聽說是連環陣。破強寇。將軍奮列位哥。我們從今以後。可睡卧都安穩。省驚蛇動草。烽火時聞。介下

紅綉鞋。雜露布上。道傍觀覽如雲。如雲。喧呼笑語。繽紛。繽紛。指露布。祝朝廷。看捷報。頌將軍。無窮踴躍精神。精神。

尾從來捷報多謙謹。原未傳敷露布文。今日這正正堂堂示國門。

集唐

浩蕩春風裏

郵郵白送迎

遠近山河淨

諸峯霧露生

第拾齣

定計

寒山

南。上林春末介上。滿天浩氣。憑誰歎。直殺得隻輪不返。雜介上。風搖草木。心曠。怎出伊家圍籠。

末五內人徒熱。三。日寒。雜風緊。聲烈。塵高。日影殘。末學究。不。炎。此大義。頗稱得志中原。不意今日。被這孺子所困。爲之奈何。雜兄長不必過憂。那呼延灼所恃者。不過是這幾匹連環馬耳。若能破得連環馬。那些諸軍。不戰自退矣。末欲破連環甲馬。並無一妙可施。你看殺氣

橫天。愁雲四繞。如何是好。內喊介丑譚上罷了罷

了。梁山泊今番弄倒了。譚介你聽鎗刀劍戟之聲。

軍馬奔騰之狀。介我老時的頭。不知在不在哩。介

末呀。時兄弟。你在山下與朱貴兄弟開店。如何擅

離迅地。鼠竄前來。丑介呼延灼兵馬。直逼岸邊。酒

店站立不住。朱貴哥哥。特着時遷上山。稟請大哥

釣旨。末哇。酒店乃全山眼目。倘一有失。彼竟入我

戶庭矣。你不協同朱貴。用心堅守。擅自上山。希圖

退避。恨介。僕儼那里。與我拏去砍了。

丑 譚介維哥

哥息怒。敵人臨境。店中又無兵馬。叫他何以支撐。

况時兄弟。又是領着朱貴之命而來。並非私逃之

比。伏望暫開一面。留他性命。將功贖罪罷。

阮介末

既然軍師討饒。暫寄此頭。以待立功相抵。

丑 大畏

介 哥哥呵。我時遷雖然不才。也是一箇人類。就是

手脚有些毛病。不過因窮所使。亦復憤激而然。今

日耳心俯首。惟命是從者。乃服大哥之義氣耳。若

論擅離汎地。死不敢辭。說到兵馬強梁。實難支架。

如今大哥不殺。留取此頭。倘爲官兵所得。豈不遺

笑千古。莫若借兄寶劍。立死兄前。以完時遷之志。

叟介末 叟介兄弟呵。非我不仁。實是法不可壞耳。

既已講明。不必悲痛了。

宜春令末 學究。你看這梁山泊。義俠繁聚英雄。兄難

弟難。如今天喪。可憐一戰無回挽。怪他們鼠竄蛇奔。

致賊得軍。驚將赧。若論三章約法。怎肯放伊縈綰。

前腔雜軍中令重似山。敢權宜偷安避難。只是此番
征戰原非草率。堪推挽。要他們併力同心。立奇勳。莫
教疎懶。看取功成俄頃。儘力桑榆未晚。

丑既蒙哥哥大恩。自當立功以贖。只是朱貴酒店
難支。還望早申軍令。末你且少待。我與軍師計議

便了。丑介

節節高。雜抬刀鎗隨淨上。祥光射斗寒。浪華翻。精芒
閃閃冲霄漢。我湯隆自那日在朱貴時遷店中。得蒙

他們引上山寨。又奉宋大哥將令。說我原是鐵匠
出身。就着監造軍器。連日督僱功程。業已造完如

許。介我如今親往交納。并候大哥福祉。介原來主

帥軍師都在這裏。湯隆叩見。末雜介兄弟請起。淨

呀。時哥也在此麼。各介丑早來一刻也好勸勸。淨

却是爲何。丑官兵直薄店門。朱貴哥哥命我前來

請令。宋大哥道我擅離職守。竟要此道哩。作手勢

譚介淨如今仔細了。丑饒了。淨介恭喜恭喜。介湯

造蒙哥哥委造軍器。見有造完數件。特特前來交納。你看鎗和劍。戈與干。整同錐。摧堅破勁。堪衝打。末如今兵敗神慌。那得心情。點盤軍器。淨大哥。這軍器是營伍中第一件最緊的正務。什麼說箇沒心盤點起來。主將如此張惶。那些小卒一發喪氣。末兄弟言雖有理。其實心事不寧。另日看罷。淨咳大哥。善矣。自古說兵來將攬。水來土掩。官兵雖然勇猛。我山寨中好漢。也不差池。何不多差幾員。

能包攬戰的人。與他併箇你死我活。丑這箇不能

勾。淨豈有此理。從古說兵來將攬。休羈慢。末雜丑

合只爲連環馬陣奇。悠悠不決其愁嘆。

淨大哥。甚麼連環馬陣奇。末那呼延灼單單用着

一箇連環甲馬陣。十分兇勇。以此不能取勝。淨背

介要破此陣。除非是他纔好。末湯兄弟。你可知道

破得此陣的是誰。淨要破此陣。除非是我表弟徐

寧。運用鈎連鎗法。這就破了。末介既然令表弟能

破此陣。何不就煩賢弟去請他來。先破陣勢。後作
遠。如何。如。淨他是金鎗班教頭。見係職官。受過俸
祿。又無事故。怎肯前來落草。這箇再使不得。末既
有破敵之人。不能到此山寨。說亦無用。奈何奈何。
介離湯兄弟。你必竟想出一箇良法來。如何可以
誘得你那表弟到此。丑待我前去偷了他來便了。
齊一箇人。如何偷得。這時節還要取笑。丑介淨阿
呀。時哥說箇偷字。這偷字上頭。到有一箇計策在

此末雜甚麼計呢。淨只要偷得他一件東西。管教
表弟即日上山。末雜丑要偷何物。淨一副甲。末雜
丑甚麼甲。淨我表弟家藏一副雁翎甲。這副甲又
輕又美。刀劍難傷。水火不懼。乃是他先世所遺傳
家至寶。末偷了這甲。他便如何肯來。淨若偷得此
甲。出門。那時湯隆自己前去。見景生情。要他追尋
賊。丑譚介不好了。拿我了。躲介雜不是追尋你。
如何這等虛心。丑介驚慣了。說起捉賊。腦袋都疼

了。表。維。淨。休。得。害。怕。
[丑介末]適纔說令表弟追賊之時，賢弟却又如何使計。淨若果他肯追尋此甲，待他一出城門，我們就要做成圈套，弄他來哩。
[丑]這等說。偷甲一事，是老時竟要認了。
[淨]你若偷得這副甲，出，不怕事不成哩。
[末]若得二位兄弟成全此事，實山寨之幸也。請上受我一拜。
[各拜介]

前腔 [合]連環甲馬繁，破應難。金鎗手段非浮泛。
[丑]我是偷兒漢，盜躡班。蒙恩參孟嘗，座下留清盼。深宮

狐掖何須讚。 [合]塚中金碗出風塵，人間玉鏡憑誰關。

[丑]哥哥在上時，遷偷甲去了。朱貴酒店難撐，還望作何裁處。
[末]我自有的處，你往山後小路抄出界外，上東京去。我隨後都有接應來也。
[丑介末]湯兄弟把這軍器，抬到後寨盤驗，再定後邊計策罷。
[淨各]

[介]

尾 [合]鷄鳴狗盜，休常限。一旦雄飛振羽翰。
[丑]我時遷盜得此甲呵，也不比尋常伴食看。

集唐

末一飯仍難受

丑深恩重百年

維暫去還來此

淨鄉鄰劍北天

第拾壹齣

廟筭

桓歡

大勝樂副淨雜隨上名士風流天子伴巧名兒人
將毛換我名垂竹帛千秋朝野名高望滿

不求祖父功勳蔭亦不計書畫夜求湊羞好疎人
福庇與毛換却意何迷下官高俸是也自丁科目
十年凍子燈窓赤膽逢迎三載趨炎考課清歌雅

講萬人隊裏爭先走狗飛鷹一技之長莫賽當年
聖主龍潛我亦泥途卵伏如今道君秉教借爲孤
保匡勳所幸者聯班文武如蔡京如童貫嚴如共
濟之長城可怪者播弄聲華如李綱如趙鼎竟似
同舟之敵國喜得天子隆恩照臨秦鏡業將群奸
爲黨遠攬周甸如今蔡太師獨立朝綱童公公復
收大柄我這高殿帥不敢欺也秉了大宋的樞密
重權只是適年以來各路盜賊生發或依山海或

揚州城。或劫庫獄倉廩。或踞川陵扼要。以此日夕
營營。到底難安反側。昨日接得山東露布一通。汝
子統制呼延灼大破梁山賊寇。隨即報捷朝廷。天
顏甚喜。深嘉特授功高。九錫邀榮。先叙行間將士。
也。曾去請蔡太師童公公。共在政事堂中會議。此
甚如何。還不見來。堂官雜介童公公蔡太師到來。
疾甚遲。我惟雜介

前院淨堂碑立處賢奸判。偽道學一同遐竄。非官闈

出入伊誰日。鬻龍顏春暖。

雜報介副介下官候久了。公公太師何以來得恁

遲。丑聖上今早駕御長嶽。親自指點石工。安置花

石酒家。只得在彼伺候。所以來得遲了。淨老夫今

日進呈了幾箇冊頁的跋稿。聖上又面訂了一番。

不覺稍稽時刻。到勞待了。副此皆朝廷大事。什麼

說箇勞待起來。各坐介丑二位老先。今日奉旨要

議牌。那箇征勦梁山賊寇的官兒。我想賊尚未平。

元帥重爵。將來山寇大定。奏凱還朝。再好陞他到
那裏去。淨便是。副既奉天言。不敢違忤。請公公太
師量加陞擢便了。淨依下官的愚見。莫若奏聞聖
上。虛給一道勅書。把那呼延灼畧加褒獎。却不受
他買職。止賜紅袍一領。名馬一匹。待其收捕賊人。
掃清山泊之日。一併叙遷便了。正副妙妙。此論極
妙。淨還有一說。既有欽頒袍馬例。應差官賚送。差
去官員。再與他催文一角。令其督催該將。每日止

師立限奏凱還朝。方是有功無過。倘彼曠時糜餉。
稽遲踰期。那時雖有奇功。也只平常爵賞了。公公

殿帥意下何如。丑妙。還是老先大才。這些出征官
員。原是引不慣的。倘或陞得快了。他就百般要求。

就像韓信一樣。直做到三齊王。他還不肯住哩。副
公公太師遠見。真乃不勁武功。敷宣文化之碩畫
也。但不知所差催征賣詔的官員。須得何等職役。

丑差一內官罷。淨太重了。副這等差一卿貳罷。淨

還重。副丑如此說。畢竟該用什麼官呢。淨依下官
之見。到是虞候好。丑爲何到是虞候好。淨此輩不
過草芥前程。若到彼處。易於假狐使勢。那些出征
官兒。看見一箇無職小人。尚得操持督迫之任。彼
輩則許過望。先自喪氣難舒矣。設使卑員措置無
方。或有憤轉之悞。亦時節却將此人肅法。且不玷
辱朝班。豈非一舉兩利之道也。丑副介當今桂石
恰此真誰。太師乃真正匡時之宰相也。淨不敢。



